

同文館唱和詩

同文館唱和詩

四庫全書珍本初集

集部
總集類

詳校官中書臣張經田

助教臣常循覆勘

商務印書館受教育
部中央圖書館籌備
處委託景印故宮博
物院所藏文淵閣本

欽定四庫全書

集部八

同文館唱和詩

總集類

提要

臣等謹按同文館唱和詩十卷宋鄧忠臣等撰同文館以待高麗使人時方考校即其地為試院因錄同舍唱和之作彙為一編按宋史藝文志有蘇易簡禁林宴會集歐陽修禮部唱和詩集此書蓋用其例而宋志獨未著

錄其相與酌答者忠臣而外為張耒晁補之
蔡肇余幹耿南仲商倚曹輔柳子文李公麟
孔武仲等凡十一人又有但題其名曰向曰
益而不著姓二人益疑即溫益向則不知何
人也耒補之肇南仲公麟武仲益七人宋史
有傳忠臣倚並入元祐黨籍惟幹子文行事
不槩見輔亦非靖康時為樞筦者樓鑰誤合
為一王應麟困學紀聞嘗辨之集中不著唱

和年月考宋史未補之傳俱稱元祐初為校
書郎以來詩讎書芝閣上補之詩輟直讎書
省二語核之乃正其官秘書省時而元祐三
年知貢舉者為孔平仲事見本傳此集並無
平仲之名則非在三年可知惟忠臣詩有單
闕孟夏草木長句自注云丁卯四月還朝丁
卯為元祐二年意者即在是歲歟又案輔詩
云九人同日鎖重闈而子文又有毛遂未至

空連房句注云同舍十九人余獨後入疑試
官許先後入院宋制本自如此特共事十九
人而集中有詩者僅過其半則或有而弗傳
或畏耒等之才不敢繼和亦未可知耳諸家
專集惟耒柯山集補之鷄肋集武仲清江三
孔集今尚存于世其餘如肇之丹陽集忠臣
之玉池集已佚不傳他人并集名亦不可考
殘篇佚句實藉此以獲見一斑其有集者以

集本校之亦頗互異如補之五言官醪持餉
婦句鷄肋集官醪作宮壺七言詩似涼風淒
有興句鷄肋集淒有興作來有思此類甚多
題目亦往往不相合或其編集時所自改定
此又可為詩家叅訂之助矣乾隆四十三年
六月恭校上

總纂官

臣紀昀

臣陸錫熊

臣孫士毅

總校官

臣陸

費

墀

總校官中書臣朱 鈐

校對官助教臣 胡予襄

謄錄監生臣 鍾廷瑛

欽定四庫全書

同文館唱和詩卷一

宋 鄧忠臣等 撰

詩呈同院諸公

鄧忠臣

秋日同文館多朋信可依
慧鶯還伴鎖巧燕自知歸
藻鑑由來定翹材未覺稀
賢書早晚上拭目看珠璣
秋日同文館朝暉淡淡光
聚蚊喧敗帳飛蝠入雕梁
香

散青綾被詩翻古錦囊羣居有英彥晤語興何長

秋日同文館虛廊日幾回浮花出林杪古樾蔽城隈遠
笛悲仍壯幽禽去又來微吟還自喜共和有清才

余幹

秋日同文館官寮許暫依衛軒留鶴住楚澤滯鴻歸木
選山中勝珍求世上稀清時方物貢寧在篋中璣

秋日同文館興賢道與光雄竒思汝穎浮巧笑齊梁綠

醕傾蛆甕青燈折米囊

罌粟亦名米囊

雅談揮玉麈未厭漏聲

長

秋日同文館掄才又一回
梗枏輸海徼金玉振巖隈
富瞻看先達清新畏後來
百朋行可錫所樂在多才

耿南仲

秋日同文館閒無一事依
鬪羊誰得雋倦鳥客思歸
寢處還相向過從不患稀
何當有星聚誰為問璇璣

秋日同文館衰然觀國光
泗濱何限磬岱麓易求梁
劍氣頻衝斗錐鋒定出囊
於余慚拙匠操尺預量長

秋日同文館新涼逐雨回棘垣嬰吏局蕙帳憶山隈射
為巧狙發田因文豹來西城隨分鎖夫我室多才

商倚

秋日同文館羣賢道足依心遊黃卷靜目送白雲歸寶

玉荆山盡文星禁掖稀

館閣諸公
多集於此

清談欣屢接紛若落

瓊璣

秋日同文館雲沉夕照光蛩吟堦下草螢照屋間梁卧
月搜詩句挑燈認藥囊夜闌獨衾枕歸夢楚山長

秋日同文館愁腸夜九回圖書堆枕畔歌吹隔牆隈宿
鳥翻枝去涼風帶雨來新詩勞見寄難繼謫仙才

商倚

秋日同文館羣書晝可依衰遲多病在留滯故園歸但
怕酒杯滿莫教詩卷稀惟羞狂斐句瓦礫報珍璣

秋日同文館晨暉帶冷光綵雲瞻鳳闕細雨憶魚梁又
事班超筆空嗟趙壹囊簾閣坐無語千丈旅愁長

秋日同文館西風昨夜回燕巢留屋角蛛網掛墻隈書

任邊韶懶詩慚匡鼎來人人皆抱璞誰是濟川才

張耒

鄧侯讀書室編簡自相依
胠手焚膏寫滄肩滿素歸業
文從古有忍志似公稀
欲挈空虛篋從君乞貝璣

鄧子詩成癖全分李杜光
楚風還屈宋宮體變齊梁
蔡子辨焦尾晁公懷智囊
三賢方鼎峙安敢用吾長

慎思
無咎

天啓偶獲
同院故云

我愧言詩賜公真好學
回讐書芝閣上藏史楚山隈

慎思

成書多矣 把酒論交裏連房校藝來知君懷水鏡依賴免遺才

晁補之

平生鄧夫子文墨晚相依臺閣佳聲在湖湘爽氣歸

慎思

潭人再入館

詩誇束筍密髮歎耕苗稀勤苦千秋事川明水

孕璣

雄深張子句山水發天光黃鵠愁嚴道玄龜困呂梁愛君豪穎脫嗟我病傖囊驥尾何當附西風萬里長